

井十番

集五番

館	書	圖	款
番	架	函	冊
号	号	号	数
一			三
二			四

藍泉集

中

三石棧
氏印

藍泉集卷中

周陽德府教授 役 觀興山 著

助教 竹村晉士明

訓導 本城訥伯毅同校

訓導 御座章子相

五言律

君上賚豐年紙命詩恭賦奉呈

嘉禾登藝圃能使彩毫耕堪竝硬黃帖寧論堅白名
憐佗村學究不借楮先生俱說豐年賚瞻依頌太平

奉次 君上九日瑤韻

荷亭移九夏九日勸君孟守豈得陽小酒從甘谷隈
風吹蓮帽落園獻鞠衣來不必登高去坐微作賦才

梅香人意終

香風書幌曉乍見玉梅新堪報遷喬鳥無驚卧閣人
香盞依几動馥郁傍衣親不必吹鄒律心寬一朶春

恭次君上瑤韻奉賀新正

楚臺歌絕調誰及大王雄山獻千秋碧霞開一帶紅
升平鍾瑞氣政化入和融可見詩三百周南冠國風
巖邦都遜菴百年追祀族人某以秋夜集故人
宅為題需詩四方為賦

逝矣都夫子遺芳歲共深錦江霜後水巖邑雨餘林
梁月懷人淚繁燈話舊心如投金石賦天籟送瑤音

銅雀妓

錦帳繁絃夕西陵風雨秋浮雲無舊寵孤月有新愁
年已漳江逝物惟銅雀留古琴歌一曲嗚咽幾時休

君上宴祈年山精舍

布金迎長者種玉向藍田風日褰簾處江山柱笏前
人間希有會天上獨尊仙陪宴知何幸值斯文化年
長府白太冲輿疾歸省

倒屣迎君至相逢有一卮情惟須故友樂豈必新知

司馬病餘賦淵明酒後詩黃花秋正好且為醉東籬
贈熊家三子

書樓深閉影讀破若干篇看爾童蒙學不須師傳傳
顏無喜愠見形自混沌全誰道非強力乾乾四十年
右道平

七尺天懸解形軀任爾心產惟餘一己學自抵千金
已有熊羆北寧同麋鹿林勞我男子業勤惰係升沉
右秀菴

世也貌如愚唯唯守坐隅當其裁繡句乍又吐明珠
孤竹推傳世叢荊不別株笑它輕薄子泛駕誤良駒

右子濟

贈鞠川二子

愛爾膏梁性不為奢汰淫慾遺斯一息貽厥守千金
淇水繞園竹富春橫戶岑誰圖龍斷市翻聽讀書音
右木子益

苦學同寧越誰知夙夜情三餘爭暇讀五畝帶經耕
時課童蒙業匪要鄉真名笑佗文苑士游惰送生平
右田方甫

訪洗耳亭

不肖過城市先尋隱士家吟行藜杖緩醉態角巾斜

山壓琴書坐雲蒸石鼎茶知君療錮疾此際足烟霞

中秋旅泊觀月

二十年來月年年是異鄉清秋望相似流水不留光
砧杵千家夕萸葭一浦霜故山叢桂樹誰為植幽芳

五言排律

登天王寺浮圖

饒富浪津市繁華攝國東叢林開寶地淨域卜琳宮
孤塔殊超出危覺何律從經營尤浩蕩結構且玲瓏
原是天王境得兼塵土同柙檀鳩鉅麗丹牖極磨礱
巧竭魯般思彫依匠石功星霜勦推古艸造起豐

聰萬祀長無朽七層屹競雄崢嶸遮白日突兀入蒼
穹梯踏重雲上牕容六合空登臨飛鳥外眺望大寰
中况此法輪轉不惟棟宇隆八宗招碩學千里引名
公絃聽羽人奏舞看帝所工曇花翻作雨幡蓋亂如
虹寧羨駕黃鶴笑佗御冷風絳霄晴沙漠吻象晝朦
朧宛若登仙去恍披閭闔通自非仍病善誰得探鴻
濛

游田士龍仙源亭

愛此牆東隱非關漁父船逃塵原別界隣市類壺天
誰識陶朱富還開彭澤田境疑栽桂地人訝避秦賢

翁鬱藤蘿暗，逶迤磴徑遷。盆株先悅目，庭葉稍摩肩。
已歷穿林路，初看架屋椽。即驚輪奐美，殊借象光妍。
心賞褰帷外，詩懷據几前。研池翻墨浪，茶鼎沸濃烟。
坐靜情逾遠，誼深譚亦玄。竹間扶醉嘯，榻上曲肱眠。
更縮湖山勝，置吾丘壑邊。層巒纔覆簣，翠笈引懸泉。
爽籟傳松樹，新涼動玉蓮。窺聽異鳥語，掬水織鱗旋。
謝屐須依砌，楚纓好濯漣。因知韜晦處，不必洞巖巔。
自結羊求社，幸承禽向憐。月花時往返，長作武陵仙。

魚登龍門

神魚依積水，洄溯幾多年。化域層霄遠，畏途千仞懸。
暴鯁寧憚死，涸轍不承憐。噴沫蒼茫雨，飛流澎湃烟。
逆鱗張欲刺，頰尾折逾堅。期伴虬龍去，超騰上九天。

振衣千仞岡

誰知黃鵠志，一擊試高蹤。借問三台坐，如夫可仞峰。
遠川流濯足，回嶂疊迎筇。第六尺天懸，解八埏帝素封。
寒投巢父窟，飢乞伯夷餐。嵐氣朝炊罷，碓泉夕自舂。
林棲餐霧豹，壑放挈雲龍。寄語朱門客，樊籠何所慵。

送谷子質再游筑洋

歸鄉頻刮目，不復舊時蒙。游素宜莊嶽，群皆樂泮宮。
水萍還骨肉，弧矢各英雄。交態蕃纓外，風流翰墨中。

名原高伯起教又屬文翁已向龍門上寧無驥足工
投梭移迅景負笈逐飛鴻求益卿家事胡從闕黨童
七言律

奉送君上東觀二首

朝宗岳牧鬱為群誰若風流一使君行紀名山隨彩
筆遙觀列國仰青雲蒲輪先聘梁園雙細席時論孔
壁文別有峨洋傳古曲可教容易世間聞
春柳垂絲花亦殷江山無處不開顏興多明主移轅
下賦就詞臣授簡間郵驛三千通孔道金湯百二入
重關巖廊若問治安策誰是明經第一班

凝翠亭陪宴二首

晴烟漠漠州離離醉倚高軒矚望馳原繞如藍千里
水山圍凝翠一亭籬使君江左臨行日史氏周南漆
簡時何限柳條今稍綠安教千騎繫金絲
金絲難繫使君驄一曲堪貽有郢中郵驛三千唯席
上關河百二是山東懷人映雪樓頭月入夢浣花溪
畔風多暇登高如作賦天涯萬里見歸鴻

送川翰夫祗役東都

驛柳江花日載陽郵亭從駕弄春芳陳詩今布周南
化招駿曾抽冀北良好學魏文非俗主州儀賈誼本

才郎列藩治行誰高第須使明君寵廟堂

蜀主三顧圖

梁甫吟成烟月新劉家英主問謀臣中原失籙邦無
策南畝潛蹤野有人雨雪三朝敲竹戶風雲一代起
綸巾請看大業非容易長者高軒降佚民

櫻花

一樹名芳日域新冶容三月不堪春梅慙妖艷猶
淡桃讓溫柔鄉未真化雪恐驚梁苑客爲雲欲引巫
山神牡丹若犯花王号愧殺沉香亭上人

夢遊中華

邈矣西都思迥懸神游恍惚入華天船經楚水吳山
遠路遶秦陵漢苑遷謠俗甚觀風十五衣冠盡美禮
三千蒼莖赤縣蹤將徧豈識黃梁片夢前

村孟中從中郎將藤公奉幣于宇佐香椎道過
敝邑賦贈二首

九重冠冕降人間徒駕看君鳴佩環天遠使星搖北
極海晴仙氣度西關蘋蘩風蕭香椎樹廟宇雲高苑
狹山不是汾陰能獻賦清朝祀典有誰攀

千里星軺役月卿藩邦無處不郊迎誰知侍從文雄
客舊是爪牙魁岍名起草寧惟秦檄捷頌歌頌侍郢

才成應神威德傳振古吭慨多君追遠情

送測量使伊能義卿

何來奎壁耀詞壇象緯垂章協仰觀七政原齊堯曆
數八書誰載漢天官關門望彙宵過海賜谷思家曉
上齋此日清朝恩不淺賢勞千里護征鞍

擬紅樓院應制

萬乘尊宗歸梵王千官拜謁肅衣裳慈雲近傍龍林
起佛日高臨獅坐光七寶伽藍天北極三衣瓔珞殿
中央優曇一值花開歲深院翱翔接雁行

擬老杜秋興 節一首

夔府秋風吹客袍巫山巫峽碧天高百年日月多胡
馬一望乾坤入楚騷劍閣重關道程阻蓬萊三殿夢
魂勞何須搖落驚楓樹昨夜繁霜上二毛

擬禁苑中秋

綉戶珠簾閉紫宮玲瓏真與廣寒同仙娥舞飾霓裳
麗賦客詞修玉斧工白露三清霄漢北金波千里海
瀛東微臣侍宴何奇幸不假雲梯夢寐通

奉賀 君上有弄璋慶

公家筦簟夢熊羆闔境誰無萬歲詞料得彼蒼酬德
日即看維嶽降靈時周南教化期麟趾岐下祥光憶

鳳姿恰好令辰方，辰方淑事懸弧先引射，辰方射場儀辰方十二辰新正例

射儀始而射儀亦始

泮宮春興

泮宮高構鳳翱翔，梧竹含晴日載陽人自同群開樂地境元逃俗類幽，莊杏壇鳥和朱絃轉岐嶽霞迎彩翰揚，明主好文多美事獻春先問采芹章

題竈門關玉壺亭

孤亭高聳俯清流，千里通津爭繫舟恰好停槎牽季郭何妨避暑擬袁劉，簾前月自冰壺出攔上人臨玉鏡遊，此際看君稱市隱滄浪一曲共誰謳

益田君章錄詩百篇請正因題其首二首

須山學士本才雄，百首新篇結撰工千里驚雷驅海浪，九衢飛電蹴天驄一從縣曲謳齊右，誰以巴歛和郢中苦向故人三致意，君家同社自英風

萬里陰風捲大瀛，波瀾鬱勃佐江城已看悽惋孤臣賦，更駭高華後進英冀北良駒多絕足，周南隱史奈虛名文園同調須珍重，四海如今稀弟兄

菟道螢火

菟道螢燐名一鄉，清輝燦爛水中央誰知振古貔貅怨，蒸作滔天熠燿光雨撲江潭沉不滅，風翻星宿激

逾揚將軍塚畔多青艸苦照當年決戰場

琵琶湖雨景

湖上扁舟汎不征濛濛春雨勝澄清雲封石鏡纔餘影風拂琵琶欲作聲遠浦烟低聯雁喚長橋波起卧龍橫安勞顧手圖真景惱殺沉郎八詠情

高臺寺謁豐太閤像

豪舉誰如猿面王身從阜隸踏巖廊登壇叱叱千人廢揮劍風雲萬里揚西去呼韓輸貢獻東來日域握封疆請看今古金湯固百堵崇墉海一方

奉輓

馨德公子

公子小字虎君上龍弟

麟趾周南歌未裁如何蒿里輓車來文壇繡虎名空在渥水良駒波不回飛蓋曾懸西苑月建碑新拂北邙苔高秋重此招魂意墮淚非唯宋玉哀

巖邦筏道濟至

嗟爾才華驚坐翮何唯方技一時賢已從過親沉病起還似遊梁彩筆傳錦帶貽吾同縞帶藍泉勸客擬靈泉他年若著長沙秘漢後雄文知幾篇

吳村上士明

才藝垂傳文武名一時輿誦爲君傾極知虎略歸孫子豈意龍門失李生史筆周南還勒碣樓船海上罷

談兵士林不慙遺刑典今日依誰仰老成

送獨雄師薄省鄉里二首

二月禪龕花未飛故山烟樹遠依稀夜凌滄海鈴鳴浪曉喻層巒霞染衣又蟄神龍棲鐵鉢知尋僧鳳徧巖扉江湖故態原無著汗漫斯遊恐誤歸

東顧鄉園彈指餘何須岐路車躊躇身邊瓔珞輝花樹握裏摩尼照紫虛出自黃金長者地姑還白足上人車極知父老疲西望爭拜毫光滿里閭

題獨雄師虛白室

淵默韜蹤隱趣深窺來竹戶闌無音泉飛月點池塘

坐山近雲移谷口林芥室籠天寧道狹虛惚生白不成陰九年若下安禪榻劇勝曇摩嵩少岑

讀幻弇師禪月樓集有感

竹屋繁燈夜漏長閉披縹帙手焚香曇花隨塵霏霏雪叢桂棲鴉淡淡霜禪月樓高遙掛鏡慈雲海潤欲牽航側身西望飛揚甚濁水清塵天一方

明月菴主使余乞記南冥龜子因賦贈二首

白濱堆畔一層丘記昔東行繫紫騮海上陰晴天漠漠人間變態水悠悠清風朗月無玄度片石孤雲有惠休此地登臨情不淺知君回首憶南樓

彈劍悲歌古別離，看君豪氣少年姿。懷人紫海空千里，分袂琳宮彼一時。駿骨瘦來淹伏櫪，蓬頭搔盡定垂絲。依然赤壁留明月，為囑蘓公試咏詩。

奉送 雅尚公子入鳩峰

鳩峯煙樹鬱嶙峋，中築祠壇詠采蘋。帝里江流隨石水，江公後名家將種協皇神。靈蹤掄地移西海，法旆朝天近北辰。到日衣冠君自見，千秋都雅九重春。

賀長訓導擢相府掾

博搜由來若汝難，主恩玄鬢屬彈冠。不知製錦棲公署，孰與采芹登泮壇。相府蓮從承露重，芸臺竹為失

鸞寒經綸一代君，曹事敢比尋常閑散官。

維禕園人日雨集用謝茂秦詩韻

維禕園深風雨淒，還令興象輞川迷。鴻音未度關河北，山色纔披野郭西。水部官梅飄九葉，謝家詩草動池堤。九臯誰若先鳴鶴，贏得遷鶯出谷啼。

暮春宴松東山書亭

枕藉飛花對夕陽，春林無處不殘光。松陰古徑離離草，架上新篇累累章。裁杏還疑招隱樹，非沂好作舞雩狂。滿壺池水皆玄醴，醉見人間垣一方。

松東山菟裘落成

一院迤躑環堵閑誰圖咫尺有東山苔深杏樹成陰
下夢穩松窗高枕間彭澤須知今日是孟門無復昔
時艱團藥家室堪偕隱笑殺梁鴻曾出關

寄邊孟肇在坑二首

卧閣風標月旦高避塵深厭送迎勞來同東岳三秋
月去駕西溟萬里濤人世拙遲雙白髮關河雨雪一
綈袍浪遊方適江湖性此日元龍氣益豪

纔解銀魚卧碧山蘿門初服足清閑棲遲歲月耽詩
卷變態浮雲厭世寰招隱桂叢今稍長懷人梅樹正
堪攀比來萬徑稀來往久待羊求歸叩關

得孟肇書却寄

紫陽烟水落雙魚披閱緘書感慨餘世事浮雲歸卧
閣交情朗月傍離居州廬倘或詢諸葛狗監祇應奏
子虛紆畫故人頭欲白行藏一代奈躊躇

奈執政席上出春花滿盆者需詩

盆花獻笑爛瓊英按譜誰能下月評上苑春聯宮艷
麗瑤京夜列桂娥明誤疑步障披金谷莫剪蒸霞投
赤城惱殺良家爭國色何妨百甕為君傾

送奈執政東行二首

卧閣棲遲歲月空重當權路凜威風千秋大業論文

際一日清名抗疏中病起青山推謝傳政成赤子慕
羊公泮宮祖席多髦士分袂愁君馬首東
明時官政借才豪此日東征攬佩刀輔佐晏嬰齊世
祿循良子產鄭名髦行藏一代當途重倚賴群僚屬
望高獻納倘能求美績如今封境足文騷

送奈大夫遊南真

千里擔簦席未安由來季孟屬高官關河寧憚游方
遠柱石元知當路難駿足入燕須壓市龍門御李好
登壇通家厚誼情非淺極識昌言叩兩端
福參政携諸子姪見過喜而賦之

誰驚堅卧入牆東微服聯驂子姪同雪月圍階生玉
樹星文照夜聚瑤宮群飛丹穴多携鳳一坐青氈不
避驄莫類浣花尋隱士郊坳小隊出元戎

福參政前除植白南天燭應需賦焉

枝枝結果白團團非爲風霜被素紈何意珊瑚煩傳
粉曾無火燭鬪凝丹珠垂閨圃歲蕤重露上金莖聯
綴寒一自奪朱價殊貴南天恐不竺來看

余自洛歸龍門大夫邀飲待月其亭

桐陰凝露阜螽鳴正屬淫霖新報晴未見魏臺懸片
鏡應須趙壁購連城登樓文作悲秋客陪宴初銷非

土情好是故山叢，桂樹歸來方共月華榮。

到栗大夫櫻花盛開

狂風吹動護花鈴，遠樹含煙晝自冥。蝶抱落英春欲
老人驚過隙酒初醒，雨操文簡漆騷思。竹鼓鳴琴寫
性靈，華腕漫登大夫筭。一牀陪話愜林亭。

歲首集豫章亭

誰愛東山烏角巾，強因雅宴列佳賓。梅迎驛使江南
勝歌逐倉庚，曷谷春風雨樽前。人日近，韶光湖上物
華新老來休問，虞卿業文閣圖書欲委塵。
潘大夫潺湲舍重別，井行人往東都。

東閣迎賓酒半醺，同袍客有惜離群。燈前一曲西
雨別後，千山南浦，雲柳色已臨岐。上亂泉聲疑向隴
頭分，大夫作賦多才思，何處登高又送君。

谷子信宅詠盆中梅花

把握盆梅堪挈提，枝分朱白競昂低。已看為雪嬌詞
客還復含紅點，錦閨驛使兩携春。最好仙郎雙眇夢
將送寄言何遜，誰高第一樹清容。糝不齊。

采蓮圖

畫舫蘭橈望似雲，芰荷携自若邪濱。紅粧倒照波俱
蕩，翠袖輕颺風亦芬。儘恠露珠投洛浦，誰裁花錦贈

湘君水臺倘使吳王見何但西施獨絕群

范蠡泛湖圖

萬戶封侯脫徒輕五湖烟水濯冠纓破吳能雪公家耻踞越誰當國士名今古君臣多得失行藏天地有虛盈同寮文種見何晚嗟爾冥鴻去後情

西湖圖

安攀春柳泛扁航奇絕西湖元擅場湫澗波開明鏡濶飛來峰共白雲翔一莊梅竹林和靖千歲丘陵岳穆王說盡風流佳話在名蹤想像古錢塘

送人賽五瀨宗祠

晴蜓六十仰宗祠遷自 垂仁踐祚時振古天巖披石室于今鈴水繞宮籬望高蒲越迎神席歲久蓬茅結露茨試冒清晨登日觀扶桑何處不朝曦

秉燭堂宴送谷子哲往東武

遙夜群星照席圍誰知處士薄相依掄才孰不瑚璉器秉燭須增奎壁輝月露三更堂上飲關山萬里客中衣明朝恐失聯行侶仰睨飛鴻撫玉徽

賦浪萃春賀藩邸居守東伯玉六秩

春滿江南古帝州和風麗日自滄洲巨鼇戴地三鄉市群鵲爲橋雙泖流臨岸梅先珠樹發登高烟共蜃

樓浮尋_一桃近有_二仙源在_三吏隱從來_四記宦游

龍門大夫自南豫溫泉歸

剖玉溫泉迸碧溪地靈原與驪山齊浴餘緩帶官情
遠吟後磨崖隨處題盤古王遊留石跡名家將壁入
歸啼扶病仙液兼探勝起色還鄉不待藜

送屈子雋從家嚴于東都

考績藩廷寵老成東征非是主恩輕關河險御蒲輪
度驛路花迎綵服明好奉趨庭堂上喜何須陟岵客
中情如逢述職尋朝禮先問君家橋梓名

葵園青盟兄追記

夢阻黃壚年幾遷何惟宿草沒墳前秋初星會催雙
淚忌近七夕故云別後人間空九泉風拂蘭階餘臭遠晷傾
葵苑夙心懸往時盟約斯文在可耐幽琴久絕絃

葵園集追憶青盟兄

史筆周南多_一少年殊_二憐英志競_三翩翩才華各自游_四梁
長文藻行看_一化蜀傳_二牛耳虛名慙_三後進龍門豪氣憶_四
先賢燈前投筆揮雙淚詩就無由寄九泉

贈李洗耳

弃擲稻麻千畝田纔携襜被避林泉代耕聊課童蒙
業栽桂須歌隱士篇洗耳流迴淇奥竹低檐月鎖富

春烟佗時倘卜棲遲地乞取鄉家一釣船

贈餘彥國

湖海黃金結客虛王門不復曳長裾千秋偏慕詩書業一匕纔償僇石儲屈氣能高周處節修文寧傲禰衡疎家臨孔道便來徃人士傳名先式閭

贈田士登

少年嗟爾氣殊喬遊俠何關六博囂風骨時交騷客爽冰心寧爲世塵銷身攻一技才尤長家散千金橐不饒龍斷能抽商堅伍雄豪孰與市南僚

七言排律

登般若山同田士征國京山賦

再叩祇林江岸阿層龕重閣鬱嵯峨人因探勝游蹤遠地自逃禪隱趣多翠嶂晴開連夜雨夕暉斜照滿天波東菑轉餉收黃麥南澗流芳抽綠荷興至妍談推富縷思深文藻學維摩非緣支遁能招駿爭借王丞寫換鵝洗得塵心歸水月拋來冠佩易藤蘿不論雁塔題名客俱是龍門第一科

五言絕句

獻韓製磁椀君上賜詩茶賦奉酬

誰知投木李還復得瑤瓊風雨松齋夕擲來明月清

應羽倉明府需書扇三首

仁風從手裏千里欲播芳久掛蒼生望知君堪奉揚
手取五明扇悠然有所思君看江上艸南北任風吹
若問穆如化清風須自取裁詩非吉甫愛此仲山甫

龜鶴圖

借問凌雲志如何曳尾心逍遙須自得不必關升沉

柴桑處士圖

青山如有待松菊託柴扉三徑稀來徃先生歸不歸

雪梅圖

冰輝凝作骨咬啞散成玉卓爾雪中姿清高難逐躅

紅梅臨水圖

不做姑山雪嬌姿粧得紅縱隨江上水猶入壽陽宮

七言絕句

集櫻井侍中宅限韻而賦四首

寧妨吏事滿官局嘯月亭頭山色青為報風流賢大
守餘芳自在侍中庭

官署荷花園玉局看君佩得一枝青恠來坐上逢荀
令風送清香繞戶庭

殘菊留秋風不禁東籬隱趣自沉沉幽居非必逃彭
澤牀有無絃堪瀉襟

醉撫哀絃情不禁飛鴻南度日西沉坐中騷客年尤老欲賦悲秋先濕襟

寄慰長大斐三首

時大斐有治河役在外適喪其姊不能奔喪

誰料鞞鞞棠棣春還為維箠逐輕塵無情最是花前雨不護殘枝待主人

逝水西分大堰河河堤使者恨如何一聞瓠子民謠起知爾誤為薤露歌

麗日晴烟上已衣今年春與去年違人間變態渾風雨不但同游歎昨非

寄防府諸子六首

樓船習戰士為群翰苑揮毫客若雲借問大藩諸鉅室才堪文武有如君

村倉人

一從文武勵才良家訓由來有義方儒將若非羊叔子功名願學杜當陽

磯羨子

周南史筆鬱為群欲樹文旗翻彩雲好是國風頌麟趾西州岳牧盡明君

吉教授

桑山峰下白綸巾曾抱圖書稱佚民不是軒車三顧切草廬爭起卧龍人

杉良哉

剗剗分來書幾篇看君史筆本翩翩若言摘藻非家事那得長沙今日傳

南伯民

蚤攻一技鬢皤然晉代遺型子細傳休使騷華誇五
彩誰如書力保千年 田彌一

酬中天民見寄三首

錦水江頭濯七襄疊為詞客九迴腸裁來貽我雲霓
似恰好瑤池仙子裳

江湖賣藥市樓閑不妨詞人時往還縱使壺公工晦
跡能無詩句墜塵寰

布衣詩業幾多年韋孟風流美並懸請見爾鄉河處
士聲名翻在搢紳先

款府井上子見訪有詩次韻二首

千秋大業各揚顏多士曾誇享保間遺藥于今人不
乏一枝先向桂林攀

誰云丹竈駐仙顏誤墜風塵一世間佔畢耻同村學
究巖雲潭月不堪攀

釋尊出山圖贊

背擔三界手援兒請見慈恩溢紫眉檀特林中衣欲
朽誰人不泣出山姿

題李白醉步圖

詩聖唐朝三百年逃蹤也作酒中仙不知桃李花前
醉孰與長安市上眠

蘆洲落雁圖

水碧沙明月也清一行聯鴈度江鳴堪聞白露為霜
夕風送菰蘆葉葉聲

雨中芭蕉圖

雨浣芭蕉六月寒讀書窗外竹欄干何來咳唾皆為
玉爭落仙人承露盤

銅雀臺圖

四海齊傾一畧中漢家姦賊果英雄無謀歡樂窮十
古銅雀秋寒五夜風

為長府教授白太仲賀太孺人六秩三首

一自齊梁說道成無人不知斷機名何須更上千金
壽請見明經勝滿籬

海底雙珠明月新携歸好獻北堂親休驚席上生光
彩元是梁王照乘珍

伯氏吹埙仲氏簾季郎亦唱蓼莪詩只今說甚西王
母劇勝偷桃無賴兒

灞城栗山厚庵來見

多君彩筆繼家聲不但刀圭三世精請見周南縣學
士遺篇載得栗山名

長府武才郎寫真贊

宛見清揚昔日新，幽明一別斷音塵。誰圖席上論文客，翻作身餘覓贊人。

寄鹿野田處士二首

鹿鳴山下鹿鳴音，誰解幽居避世心。巖岫風寒霜後曉，堪聞落葉響楓林。

桂叢秋早冷，蘿帷玉露金。風月上時聞，說幽居無二仲。知君獨誦小山詩。

南浦寄興

纖纖初月學眉低，汀渚無人鳥夜啼。三十六灘天一角，征帆隔在數峰西。

賀南豫壽松軒七十

南豫真人字壽松，年庚七十舊時容。君家元有還丹藥，知自黃金第幾峰。

洛人某贈三絕戲賦

野艸林花繞戶庭，二条橋畔故人亭。曠原風暖烟如畫，一簇輕羅歌踏青。

蝶舞鶯歌酒一盃，東山北野去還來。三春無客非行樂，今日尋桃昨問梅。

絲柳牽烟日亦長，吟筇幾處倚胡床。祇園清水游將徧，鴨綠江頭顧夕陽。

訪山玄童幽居

芄芄黃麥雜桑麻，擊壤歌高負郭家。
人就清陰期一醉，松風如水落烏紗。

泊鹿室

陰崖落木散飛濤，夢斷風潮撼客舫。
試向鹿門山上望，天河西轉斗牛高。

小南峰

風送山嵐衣袂寒，崎嶇路轉入龍盤。
峰頭一瞬天將盡，指點南巖子細看。

洞川莊二首

大和南畔黃金峰，白日青天紫氣重。
行至洞川揚首望，雲中七十五芙蓉。

仙洞河邊山月清，幽莊夢寐幾回驚。
千溪繞屋寒泉響，半夜翻為風雨聲。

贈酒徒某

開顏自少蹙眉多，醉即陶然據地歌。
人世紛紜關底事，君看累累北邙阿。

詠烏喻孝

反哺含恩報舊時，烏烏贈爾緇衣宜。
何心啞啞窻前語，莫誨人間無賴兒。

詠雁喻弟

聯行如帶影參差，漸陸翔鴻肩並隨。羽族豈知鄉飲酒，何由習得弟兄儀。

詠鶴喻忠

誰家石罅誤群行，扶得瘡痍恨且鳴。爲報人間操別鶴，須知氣類不堪情。

詠燕喻信

差池燕燕往還歸，星曆移來約不違。非爲貪家嫌舊主，今年復問去年扉。

山中春

喬林求侶鳥嚶嚶，不似人間輕薄情。若問山中無限意，春花含笑苦相迎。

山中秋

霜擊千林落葉多，淒風搖樹水揚波。誰知殺伐三秋暮，中包陽春二月和。

藍泉集卷中終

皇朝集

卷四

十一
五

